

舉族哀號坊隣慟泣人雖慙薄藝忝在班行既奉固邀難拒高命  
其詞曰

儒門英將 間代高原 初閑禮則 早負幽玄 寬弘得衆  
抱直如弦 曾任大務 不致人口 人中仁也 實可稱賢  
盈官剋己 忠孝俱全 方保榮祿 却在長逝 何兮逝也  
早掩九泉

晉故歸義軍應管內衙前都押衙銀青光祿大夫檢校左散騎常  
侍兼御史大夫上柱國南陽張府君邈真讚并序

府君諱懷慶字思美卽南陽之派矣受寄龍沙遂爲燉煌人也公  
乃天資靈異神授宏才英旄自幼而標奇志操童顏而傑秀故得  
三端膺世六藝推時家門繼俸於 鈞衡已族聯親於台廟清貞  
守節州府久任於注持端直居懷乃選居官而恤物伏遇 譙王